

Wien, Österreichische Nationalbibliothek (ÖNB), Cod. 11638

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2031

C O D I C E S

2032

4. facile desumas. At longe haec diversa est a nostro Tractatu, qui non in *Sermones XII.* aut potius *Apologos dicas*, sed in *Articulos multos dividitur*, quos inter de *Missa triste faceti*: *Come la Messa è heretica, è una gran' Maga, è una gran' Strega, è una grande Idolatra, è una gran' Meretrice &c.* Nemo porro ejus meminit, ne *Baylius* quidem, qui ceterum lancem, ut solet, saturam de *Ochino* admensus est.

DXXXI:

689 Codex chartaceus lat. Sec. XVI. Folior. 56. 4. eleganter scriptus, utque e Theca adparret, quae deaurata et anno MDLII. insignita est, Ferdinandi I. Imp. oblatus Titulum praeferit: *Ad Sacratissimum Rom: Hung: et Bohemiae Regem Ferdinandum &c.* De extremorum temporum nostrorum statu. De Antichristo, eiusdemque regno tyrrannico et reuelatione, de fine Mundi et supremo iudicio. Liber. Ita vero ingreditur: Quod ueteres Romani in magnis reipub: periculis et rebus dubijs, Ferdinandus rex optime, fecerunt, ut libros Sibyllinos, quorum quindecim interpretes delebant et ciuitate esse uoluerunt, consulerent, Id temporib: hisce nostris, in saeuissimo furentis Germaniae tumultu, imitandum nobis esse duxi, ut oracula ea adiremus, et si quid in eis uel consilij uel solatij, ad presentem usum inuenire possemus,

diligenter inquireremus, et inuentum ad Majestatem tuam perscriberemus. Laudatis mox prolix Oraculis Sibyllinis, pollicitusque, se Ferdinando Antichristum de nomine indicaturum et ueluti dígito demonstraturum, disquisitionem e S. Literis, Patribus, Scriptoribus profanis instituit, omnia praediatis Oraculis adcommendant, quorum versione metrica utitur, non Seb. Castalionis, sed quam ipsemet cudiſſe videtur. Atque primum in *Neronem*, eumque in *Mahometem* et *Turcis* redivivum commentatur, Historiam sensim ad Caroli V. et Ferdinandi deducens tempora, perstringensque passim alios Principes Christianos, quorum agendatio Turcis profuit, tum in *Paulum Jovium* acerbe invehitur, quod plurima in uno duntaxat Elogiorum importune publicato uolumine mendaciter et improbe uulgauerit, Otomanicam Antichristi familiam tantum non in coelum laudibus ferens. Abusum illum esse gratia et privilegio Caroli Caeſ. Injuriam fecisse Sigismundo Poloniae, Ludovico Hungariae Regibus &c. Subdit: Porro quod bonus iste Episcopus tam scurriliter turcifat, Galliae regibus iudicio meo ea in re ancillatur, ut fæditatem Turcici eorum fæderis impudentia et uanitate apertissima apud imperitos obuelet &c. Deinceps ex hoc diverticulo ad Antichristum redux Numerum Bestiae Apocalypticæ 666. ductis evi literarum graecarum calculis in nomine Imperatoris Turcarum

Wien, Österreichische Nationalbibliothek (ÖNB), Cod. 11638

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2033

P O L E M I C I .

2034

carum Σολεμανος primum, mox etiam in nomine *Maorieris* repetit, et quanquam Romanis Pontificibus adeo nihil dissimulet, ut scribat: *Possem bic pauca referre de Sanctissimo Clementis VII. contra Carolum Imper. et Maiestatem tuam, et consequenter contra ciuitatem et Ecclesiam Dei ido foedere;* tamen etiam in voce *Λουθερων* numerum Bestiae contineri ait. In Vaticinia demum de Judicio extremo expatiatus ita concludit: *Quod reliquum est, Ferdinande, rex optime, in uotis atque supplicationibus est sicutum, ut Deus Zebaoth mentem Maiestatis tuæ sapientiae suæ et spiritus lumine illustret — Maiestatem etiam tuam cum liberis et fidelibus populis suis a sanguinaria belua Antichristianæ tyrannie brachio suo excuso et extento conservet, tueatur, ac defendat, ut denique Maestati tuæ omnia ea diuinitus contingent, quæ in prophetæ et regis Davidis psalmo 19 sunt expressa uota, sincere precamur et optamus. Amen.* Adiecta est Observatio de Vocabulo *Opilio*, quo Noster per decursum frequentius usus est, quodque e *Festo, Justiniano, Plauto et Budaeo* hic *Administrum, Accensum*, videlicet Antichristi, interpretatur. In universum Virum graece, latineque doctum, vastaeque lectionis audias, sed paene aniliter credulum. Verum quis ille? An *Wolfg. Lazius*, qui *Methodii Vaticinia* edidit? An *Job. Langus Silesius*, non Medicus, sed *Jctus* ille, quem *Cod. DXXVIII.*

Θεολογικῶν vidimus? An denique παραδοξός ille *Paulus Scalichius?* Germanum fuisse, Voces vernaculae non semel interjectae probant.

DXXXII.

Codex chartaceus lat. Sec. 635
XVI. Folior. 10. 4. est Autoris cuiusdam e Protestantibus Difseratio inscripta: *De Fine Mundi sive Novissimo Die*, quae incipit: *Cum nulla sit consolatio dulcior proposita Ecclesiae Dei, quam in eo Iuditio, quod in fine buius mundi futurum sit, summo studio sunt omnium Piorum animi in eius Iuditij cogitationibus exercendi &c.* Tribus porro Quaesitiis res transfigitur. I. *An sit badius Mundi Iuditium futurum.* II. *Quo tempore.* III. *Quo modo.* Quaesiti primi initium annum Scriptio prodit. Lego enim: *Certissimum est, hunc mundum non fuisse ab aeterno, sicut Aristoteles opinatus est, sed hoc anno 1556. iam annos 5518. præterisse ab eo tempore &c.* Cetera difficultatem non habent, ut nec Quaesitum III. quae omnia ad ductum sacrarum Literarum explanantur. At vero ad Quaesitum II. partim e Prophetia *Pseudoeiae* deponita e Tract. Talmud. *Sanhedrin* et *Gemara Avoda Sara* de sex Millibus Annorum durationis Mundi, partim e Monarchiis *Danielis*, partim e Praedicationibus Christi et Apostolorum vicinum Judicii diem infert Noster, concluditque: *Potremo*